

Hylli i Dritës

Ubi Spiritus Domini, ibi libertas.

(II. ad Cor. III. 17).

1. George Washington. Në kujtim të 200-vjetorit të të lemit të tij	Fq. 113
2. Lirija në pedagogjin e ré	„ 118
3. Per Historin e Alfabetit Shqyp	„ 123
4. Çashtja e Drinit	„ 130
5. Veper arsimore e Françeskajvet në Shqypni në shekullin XVII	„ 135
6. Prej poezis së popullit (<i>vajtim</i>)	„ 139
7. Nji udhëtim në Turki të Ré	„ 145
8. Mirëdita	„ 155
9. Stervitje logike	„ 164
10. Biblijoteka e „Hyllit“	„ 166
11. Quo vadis...? — 3.	„ 16

POSTA E JONË

Worcester Mass: G. N. Kemi marrë shka çojshi: u lutemi veç me u perpjekë edhe me ata pajtimtarët tjerë; e, sá per numra qi u mëngojn shokve, po u a ðergojm të gjith jue me lutje qi t' u a epni.

VJENË: A. M. Si mas shkresës u çojshim shka ðishrojshi, por mas ðý javësh na kthej prap: bindemi! Duket se nuk i keni kndue porosít, qi shkrueshim nder ðý numrat e parë.

GRAC: K. P. Kemi marrë shkresen: e po u kondendojm; s'e ðiejm se kush e ká fajin mã të madhin.

PADOVË: Z. B. Morem letren; nuk jé i vetmi, as s'ásht e para herë. Per shka lypshi me ðiejtë, keni me gjetë në leter, qi kemi me u ðergue per së shpejtít.

TIRANË: Gj. Ll. Morem letren me shka ðergojshi: edhe na jemi bindë se si mëngojsi, e aq mã teper si s'ishi kënë pá me né të « Hyllit ». Po u a ðergojm edhe shká u mëngon.

ELBASAN: I. H. Rivisten e kemi marrë edhe artikullin e kemi kndue, sado qi s'kemi pasë shka kndojm. Na s' mërremi per fjalë të kurrkueja, e aq mã pak per të nji palve. Sá per aq mund t' a persrisim edhe i herë se: **„aj, qi pshtyn hyjt, ndyn vedin me pshtymë të vet!“**

GEORGE WASHINGTON.

NË KUJTIM TË 200-VJETORIT TË TË LEMIT TË TIJ.

Tash nja disá vjet Kongresi i Shteteve të Bashkueme mërrte vendim, qi per nandë muej rresht, që prej ditës 22 Fruer e deri me 24 Nanduer të ksajë vjetë, masi kjo ditë ásht edhe njajo *Tanksgiving day*, ase dita e falënderimit, aq në doke sod në gjith Ameriken, të kremtohej sa mâ madhnisht i dyti qind-vjetuer i të lemit të Washington-it, qi kje heroi i liris së Bashkimit Nordamerikan.

Ky kje jo vetem nji prís ushtrie e nji kryetár Shteti i pa kund shoq, per don shikjue edhe porsi themelues, si hartues Shteti. Si prís ushtrie kje nier me qindresë të rráll, qi shifte larg, mendohej shum, mâtej fort, qi kishte gjithmonë nji qellim të caktuem para sÿsh; por kqyrë edhe vetem persona e tij, aj ká per të na u paraqitë porsi nji nier gjith zëmer, guximtár ndoshta edhe në teprí, nier i qetë, elastik, i gatshem edhe me kthye dalë, nier qi s' kishte para sÿsh do-bín e vet personale, por vetem atë të pergjithshmen. Flamurin e tij nuk e percuell gjithkund fati i mirë. Në Boston duel fitues, tuj pushtue gjytetin, por jo aq per veprim strategik, sa per qindresë të veten. Mâ vonë kje shterngue të smrapej me ushtrí të veta deri në Delaware e t'u lshote per do kohë Inglizve e Francezve Filadelfjen; me gjithkta, i duel se i duel të fitote e fitoi lumnisht, pse kje jo vetem strategë, por edhe msues ushtarak i mirë krejt.

Kongresi e dijte mirë aso kohe se kuej po ishte tuj i a lânë në dorë sundimin e ushtrivet. Washington-i ishte i ushtruem mirë n' at degë, pse, nandëmdhetë vjetsh tuj kënë,

